

中国边疆研究资料文库·边疆民族资料初编

西北及西南民族

中国边疆研究资料文库·边疆民族资料初编

西北及西南民族

新学书局
PDG

清·曹振鏞等撰


欽定平定回疆剿擒逆裔方略

卷一七——二六

清道光刻本

欽定平定回疆剿擒逆裔方略





欽定平定回疆剿擒逆裔方略卷之十七

道光六年秋八月庚戌朔

戶部疏奏續撥山西河南四川山東湖北江西
各省司庫銀共二百萬兩迅速解往甘肅備用
壬子

各路奏報軍情緊急

勅諭長齡等相機調度各保城池聽候救援

揚威將軍大學士伊犁將軍長齡奏言

臣接准

葉爾羌辦事大臣音登額等咨稱拏獲遞送書

信糾約偵探之逆匪僞列等多名由和闐專差

弁兵送至阿克蘇臺站遞發並將摺稿及譯出

逆回書信等件咨送前來

臣

接閱之下以逆回

信稱喀什噶爾英吉沙爾兩城均爲佔據究屬

悖逆狂言未足深信而葉爾羌和闐兩城回衆

尙無他變阿奇木伯克玉素普呈出逆信密拏
附逆各莊白帽回子深知大義該處回衆藉其
安撫鎮靜可望固守伏思和闐草地旣可通達
自應亟發官兵前往救援查伊犁官兵刻下尙
未到齊現據沙雅爾阿奇木伯克伊薩克稟報
帶領回兵三百名日內可抵阿克蘇並稱尙可
湊集阿克蘇回兵三百名備用

臣

飛咨長清飭

令伊薩克帶領前項回兵六百名並派喀什噶爾退回官兵及跟役等共計八百十八員名卽仍令額爾古倫等帶領又各路換防應援官兵內除副將郭繼昌所帶一百三十四員名留派冰嶺一帶安設臺站及阿克蘇前派赴援官兵一百七十六員名留防本城外其餘應援換防官兵尙有六百七十一員名卽令叅將王鴻儀

帶領統計三項官兵共有二千八十九員名均
會從阿克蘇草地行走徑赴和闐取道繞至葉
爾羌救援所有後路文報及糧餉等事亦卽行
知長清就近籌撥辦理至阿克蘇地方現有伊
犁官兵陸續可到暫資防守等候烏魯木齊官
兵到齊湊足六千名再從大路探明前進惟有
仰懇

皇上天恩飭令甘肅提督齊慎帶領官兵迅速前來
阿克蘇駐劄以爲聲援再伊犁屯田總兵珠勒
亨染患脾瀉因回疆現有軍務不敢告病臣察
其精神委頓不能辦公現委鎮標中軍遊擊馬
國正暫行護理總兵印務飭令珠勒亨開缺回
旗調理

葉爾羌辦事大臣音登額多隆武奏言臣等據

阿奇木伯克玉素普報稱拏獲賊犯偽列訊據
供稱係葉爾羌屬別什幹莊白帽回子伊兄莽
素爾兄弟二人俱於本年三月間逃往喀什噶
爾嗣至鴉布泉地方隨從巴布頂咬散和卓等
賊匪行至英吉沙爾令伊弟兄前往葉爾羌屬
別什幹等各回莊傳遞書信又拏獲探信逆回
胡萬伊斯拉木木子克里訊係探聽葉爾羌官

兵多寡信息復據玉素普報獲葉爾羌屬別什
幹地方謀逆白帽回子柯拜克毛拉楚魯克孜
依提並該處明巴什阿瓦斯等四名訊係遞相
傳聞莽素爾通到賊信不日前來攻城該白帽
回子等先將船隻阻拒不准坡斯坎木一帶回
民往城渡送米麵又攔阻滿洲營廠牧馬匹不
許過河臣等於訊明後將各該犯斬首示衆又

據玉素普執送英吉沙爾阿奇木伯克阿布都
拉差役牙伙普咬孜斯二名遞送回字信一封
譯係糾約玉素普獻城隨從逆裔張格爾變亂
等語臣等訊據牙伙普咬孜斯同供逆匪巴布
頂等已將英吉沙爾城池攻破官兵全行被害
恐所供係一面之詞深難憑信除將該三逆斬
首外查阿奇木伯克玉素普接到糾約謀反信

字不敢隱匿尙知大義應否獎賞之處出自

天恩其拏獲賊匪出力之伯克回子阿克毛拉等分別賞給金頂緞疋以示鼓勵

音登額等又奏言再據東路六臺稟報探得賊匪一股於六月二十六日自七臺相連之瑪拉爾巴什出將該臺官兵全行殺害賊匪卽向八九臺一帶竄往斷絕道路

臣等奏摺卽由南

路一帶軍臺飛速遞至和闐並咨明奕湄等專
差妥幹弁兵由草地趕送至阿克蘇再由大道
臺站遞送前進

阿克蘇辦事大臣長清奏言

臣

於七月十一日

酉刻接據和闐領隊大臣奕湄等專派滿洲營
馬甲烏綳阿等由草地馳抵阿克蘇齎送葉爾
羌和闐奏摺各一副咨行各城並阿克蘇公文

等件聲稱葉爾羌所屬七臺竄出賊匪傷害官
兵阻拒道路該處現經拜發緊急軍情奏摺移
咨阿克蘇接收轉遞並接葉爾羌辦事大臣音
登額多隆武信稱該城東西兩路賊匪愈集愈
多漸逼城下人心惶惑萬分喫緊且城池闊大
陴堞不堅又與回戶雜處一城此中難保無變
專望催趨官兵星夜救援音登額多隆武防守

城池具奏不及囑令

臣

將前情飛章具奏等情

查阿克蘇烏什庫車派往葉爾羌等處出征官兵及由內地派往葉爾羌等處換防官兵通共九百七十餘員名均經先後行抵阿克蘇所屬之都齊特軍臺已飭令該官兵等偵探賊匪消息相機前進續據帶兵員弁報稱前臺官兵已被賊匪殺害沿途樹木叢雜道路不明兵單賊